

恬恬佇水邊——詩致顧德莎(1957-2019)

恬恬佇水邊，等你

等你變作一蕊笑微微的雲尪

予風旒來遮俗春天做伴

勻勻仔來看世間色水的變化

沓沓仔來聽身邊

花開的聲音

恬恬佇水邊，讀你

讀你寫的臺語詩

親像花草寬寬仔咧吐氣

親像海湧一陣一陣

唱著時間

迷人的旋律

你講：逐工攏是好日子

無想將來，無想過去

我佇黃昏的水邊，恬恬
想你，想你安怎安搭家己
身軀的病痛，安怎看待
人生，彎來斡去的路途
我佇黃昏的水邊，想你
想你安怎俗死神行棋
安怎俗逐家的毋甘
相辭

我佇黃昏的水邊
佇你離開了後的所在
一個人，恬恬仔想你
親像你，彼陣
家己佇遮，看花、聽雨
啣茶、唸歌詩……